

古籀丛编

621
S2808

古籍叢編

古籀文字見于七國至于秦興于漢昌明于宋盛于清而發皇
于當代許氏說文解字敘曰及宣王太史籀著大篆十五篇與
古文或異至孔子書六經左丘明述春秋傳皆以古文厥意
可得而說其後諸侯力政不統于王惡禮樂之害己而皆
去其典籍分爲七國田疇異晦車涂異軌律令異法衣冠
異制言語異聲文字異形桂木谷注今所傳刀布文不
合古籀者皆列國之異形此古籀文字見于七國者也許
敘又曰秦始皇帝初兼天下丞相李斯乃奏同之罷其
不與秦文合者斯作倉頡篇中車府令趙高作爰歷篇
太史令胡毋敬作博學篇皆取史籀大篆或頗省改所

謂小篆者也是時秦燒滅經書滌除舊典大發吏卒興役戍官獄職務繁初有隸書以趣約易而古文由此絕矣段懋堂注按小篆旣省改古文大篆隸書又爲小篆之省秦時二書兼行而古文大篆遂不行故曰古文由此絕秦時刻石皆用小篆漢初人不識科斗其證也此古籀文字止于秦者也許敘又曰孝宣時召通倉頡讀者張敞從受之涼州刺史杜業沛人爰禮講學大夫秦近亦能言之徵禮等百餘人令說文字未央庭中以禮爲小學元士黃門侍郎楊雄采作訓纂篇凡倉頡以下十四篇凡五千三百四十字君手書所載略存之矣及亡新

居攝使大司空甄豐等校文書之部自以爲應制作頗
改定古文時有六書一曰古文孔子壁中書也二曰奇字卽
古文而異者也徐楚金注曰臣錯按前所言自秦興隸書
古文從此絕矣故此古文是魯恭王壞孔子宅所得世間
無之又云臣錯按蕭子良云籀書卽大篆新臣甄豐
謂之奇字史籀增古文爲之故與古文異也敘又曰壁中
書者魯恭王壞孔子宅而得禮記尚書春秋論語孝
經又北平侯張倉獻春秋左氏傳郡國亦往於山川得
鼎彝其銘卽前代之古文皆自相似雖叵復見遠流其詳
可得略說也漢書藝文志曰武帝時魯恭王壞孔子宅

欲以廣其宮而得古文尚書及禮記論語孝經凡數十篇
皆古文也許叔重作說文解字所錄重文一千一百六十三字
多古籀文字也此古籀文字興于漢者也至宋任城王子弁
求作嘯堂集古錄諸暨王順伯厚之作鐘鼎款識王黼
作博古圖汲郡呂與叔大臨作考古圖錢塘薛用敏尚功
作歷代鐘鼎彝器款識法帖而歐陽永叔修趙德父
明誠翟伯壽者年輩攷文辨俗引義博聞古籀文字
益復大明此外如郭恕先忠恕有汗簡之作夏子喬竦有
四聲韻之編此古籀文字昌明于宋者也此後古代器物
出音多迄於清代朝野相尚清宮有西清古鑑續鑑

寧壽鑑古之編而阮芸臺元錢獻之玷趙晉齋魏
張叔未廷濟徐籀莊同柏吳荷屋榮光吳子苾式芬
吳清卿大澂吳平齋雲陳簠齋介祺葉東卿志詵
劉燕庭喜海劉幼丹心源潘伯寅祖蔭端自齋方
孫仲容詒讓諸家皆有摹錄攷釋賴以詁經訓字
四庫提要謂鐘鼎款識義通乎六書制兼乎三禮阮
芸臺謂國邑大夫之名可補經傳偏旁篆籀之字可補
說文吳憲齋謂人生秦燔千數百年之後何以能識三代文
字曰幸有鐘鼎彝器款識皆秦以前物也人生周孔千數
百年之後何以能讀周孔時之鐘鼎彝器曰幸有經典


釋文多古書字爲之證也而憲齋所撰說文古籀補陳籒
齋推爲倉聖許氏之功臣及清末葉豫之安陽古殷虛
出土古代龜甲獸骨甚多皆刻有文字劉氏鐵雲購之
歸而有鐵雲藏龜之卦孫氏仲容據之作契文舉例與名
原二書後出土日多而攷釋亦日眾王氏靜安羅氏叔言皆
致力於是援古正今推嬗靡遺此古籀文字盛于清者也輒
近邃古之學迥逾前輩上虞吳羅叔言振玉杭縣鄒適廬
安定海方藥雨若閩侯林藥園義光東莞容希白庚
番禺商錫永承祚丹徒葉洪漁玉森諸君研精闡微著
述纂計傀奇蓬勃粲然大觀廢絕二千餘年之古籀

文字乃得發皇于今日豈其具絲晦有時歟然自來著錄
鐘鼎如薛氏法帖阮氏款識筠清金文憲齋集古甲骨如
劉氏藏龜孫氏舉例羅氏書契等書類皆圖象通詮
因文釋字而摹錄文字撰作字書者唯汪西亭之鐘鼎
字源吳憲齋之說文古籀補丁佛言之說文古籀補容
希白之金文編羅子期之古爾文字徵商錫永之殷虛文
字類編摹寫既精搜羅又富古籀文字可謂集厥大
成矣昔之倉頡爰歷博學訓纂凡將諸篇世無傳書
其詳不可得而聞今讀汪吳丁容諸書已可憬然于殷商
周秦文字遞嬗變遷之迹矣予夙嗜篆籀每思將

各家摹錄計爲一篇猶許氏所謂今敘篆文合以古籀
稽謨其說將以理羣類解謬誤曉學者達神旨以之
合綜條貫沿津討源而上追籀史也顧飢驅南北迄無
暇晷壬申之歲備員豫府與同事柴君小梵言之小梵甚
以爲然且力慫恿遂從行篋出諸書相與商討纂計公
餘之暇搯書索字剪裁黏貼一鐙如穗風雨三更不倦也
自春徂秋得三卷焉時予病書中輟爍杪南下賃居西
湖旋得易君某生之助繼續纂計越歲癸酉之夏完
成十四卷方編檢字之際而易君服官去不暇助予感茲
卷帙綵重非一手一足之烈所能藏事乃不逾旬而李君

錫之來相爲助翻書篋校黹頭終日弗稍息也及歲除檢
字成予乃竭旬日之力以寫正之數年蓄志食時而成良
朋之助尤足感也至各書說解部居一仍其舊不敢詭更
正文鄉壁虛造孔子曰述而不作信而好古又曰其於所不知
益闕如也大雅宏達正而教之斯爲全甚茲將壽石爰述
厓略如是

中華民國二十有三年臨海徐文鏡識于古杭



古籀彙編凡例

一本編萃雋槩甲骨刻辭鐘鼎款識周宣石鼓秦漢吉金及古鉢古鈎古幣古兵器各文字依諸家之解釋彙纂爲一編不爲增損不增臆說孔子曰述而不作信而好古此本書編纂之旨也

二許氏說文解字叙曰宣王太史籀著大篆十五篇與古文或異至孔子書六經左丘明述春秋傳皆曰古文厥意可得而說又曰壁中書者魯恭王壞孔子宅而得禮記尙書春秋論語孝經又北平侯張倉獻春秋左氏傳郡國亦徃於山川得鼎彝其銘卽前代之古文羅振玉殷虛書契文字考正

名第二曰卜辭中所載文字汰其重複殆不逾千而就此
千字中已考許書者所得至巨知史籀大篆卽古文非別有
別改又曰今試以許書所載之籀與古或異之字證以刻辭
文字從三古籀本合姑舉數字如許書載四之古文作𠂔籀
文作三今卜辭中四字正作三許書載𠂔之籀文作𠂔而卜辭
中已有𠂔𠂔字許書載登籀文作𠂔今卜辭中已有𠂔
字許書載系籀文作𠂔而卜辭中已有𠂔字許書載
妣籀文肩从匕作妣而卜辭中書者妣已省作𠂔許書載子籀
文作𠂔今卜辭中子字皆作𠂔與𠂔畧同故羅君曰籀文
卽古文鏡按卜辭中與許書所載古文合者如許書載得

古文作見而卜辭中有𠂔字許書載御古文作𠂔而卜
辭中有𠂔字許書載齒古文作𠂔而卜辭中有𠂔字許
書載友古文作𠂔而卜辭中有𠂔字許書載箕古文作𠂔
而卜辭中有𠂔字許書載戾古文作𠂔而卜辭中有𠂔字許
書載麓古文作𠂔而卜辭中有𠂔字許書載邦古文作
𠂔而卜辭中有𠂔字許書載時古文作𠂔而卜辭中有𠂔字
許書載席古文作𠂔而卜辭中有𠂔字許書載淵古文作
𠂔而卜辭中有𠂔字許書載州古文作𠂔而卜辭中有𠂔字
許書載續古文作𠂔而卜辭中有𠂔字許書載野古
文作𠂔而卜辭中有𠂔字此觀之卜辭中與許書有𠂔文相

合者是籀文未變古文也卜辭中與許書古文相合者是卜辭蓋當時之古文也本編依上條類集各文字堪曰古籀二字略指之故定名曰古籀彙編

三分別部居悉依許書母字提行說文之重文依次序列次曰注立名之鐘鼎字原次曰吳大澂之說文古籀補次曰丁佛言之說文古籀補次曰容庚之金文編次曰羅福頤之吉金文字徵次曰商承祚之殷虛文字類編咸曰各書初刻精印本裁裁貼景印一如原迹庶幾毫釐之差魯魚之誤

四本編曰彙計注吳等書者所采錄古籀文字爲壇羊而曰說文冠其首古籀彙則許書之字不載故說文各部建首或

列或闕欲詳知某字屬於某韻仍須檢討說文原本

五裁貼各書仍於原書者字下注一宋體字以資識別鍾鼎
字原注源字說文古籀補注吳字說文古籀補注丁字金
文編注編字古爾文字徵注徵字殷虛文字類編注殷字各
書雖經割裂一加復按均得本來面目

六丁佛言古籀補乃補錄吳憲齋所撰古籀補未收之字而對吳
補正編改釋者五十餘字于字下必注原書者釋某或曰原書者
以爲某字又吳補入附錄而丁已爲釋定收入正編者五十餘字
于字下必注原書入附錄云其所謂原書者係指吳憲齋說
文古籀補也